



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1650/10  
Sarajevo, 19.8.2010. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 19-08-2010			
Organizaciona jedinica	Klasifikaciona oznaka	Redni broj	Broj priloga
01-50-1	15-77/10		

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 130. sjednici održanoj 19.8.2010. godine, utvrdilo je Odgovor na zastupničko pitanje koje je postavila gđa. Azra Hadžiahmetović, zastupnica u Zastupničkom domu Parlamentarne skupštine Bosne i Hercegovine.

U pravitku dostavljamo Odgovor uz molbu da isti uručite zastupnici.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-1650/10  
Sarajevo, 19.8.2010. godine

Azra Hadžiahmetović, poslanik u Predstavničkom domu Parlamentarne skupštine Bosne i Hercegovine, na 77. sjednici Predstavničkog doma, održanoj 12.05.2010. godine, postavila je slijedeće poslaničko pitanje:

*„Šta će Vijeće ministara učiniti da koordinira aktivnosti između Ministarstva vanjske trgovine i ekonomskih odnosa BiH, Ministarstva transporta i komunikacija BiH, Instituta za standardizaciju BiH, od kog se očekuje ispunjavanje obaveza koje se odnose na homologaciju, dakle šta će učiniti na koordiniranju ovih institucija, kako bi se ispoštovale obaveze sporazuma koje BiH ima i Sporazuma o stabilizaciji i pridruživanju sa EU?“*

Na postavljeno pitanje, Vijeće Ministara Bosne i Hercegovine je na 130 sjednici održanoj 19. 08. 2010. godine, utvrdilo slijedeći

**ODGOVOR**

Ministarstvo vanjske trgovine i ekonomskih odnosa BiH je sačinilo Prijedlog „Odluke o uvozu putničkih automobila, teretnih vozila i upotrebljivanih pneumatskih vanjskih guma“ i isti, u decembru 2009. godine, uputilo Savjetu ministara na razmatranje. Predmetnim prijedlogom Odluke predviđeno je da kada ista stupi na snagu da, Odluka o ograničenju uvoza putničkih automobila, teretnih vozila i automobilskih guma („Službeni glasnik BiH“, br. 20/00, 36/00 i 4/01) prestaje da važi.

Predviđeno je da predmetni Prijedlog Odluke bude privremeno rješenje do uspostavljanja sistema homologacije vozila, dijelova, uređaja i opreme.

Razmatranje predmetnog Prijedloga Odluke je skinuto sa sjednice Vijeća ministara, održane u decembru 2009. godine, nakon čega je Ministarstvo vanjske trgovine i ekonomskih odnosa BiH obavilo dodatne konsultacije kako bi se usaglasili stavovi i u dalju proceduru uputilo najbolje moguće rješenje u datim okolnostima. U međuvremenu je Institut za standardizaciju BiH dostavio primjedbe tj. obrazloženje na predmetni Prijedlog Odluke u smislu da ne može prihvatiti niti odgovarati za uspješno provođenje iste.

Na sastanku Privremenog pododbora za trgovinu, industriju, carine, oporezivanje i saradnju sa drugim zemljama kandidatima po Privremenom sporazumu o stabilizaciji i pridruživanju, koji je održan 18. i 19.03.2010. godine, predmetni Prijedlog Odluke je, od strane predstavnika Evropske komisije, ocijenjen kao unaprijeđenje u odnosu na Odluku koja je trenutno na snazi i koja nije u skladu sa međunarodno priznatim i prihvaćenim standardima koje je BiH preuzela potpisivanjem Privremenog sporazuma o stabilizaciji i pridruživanju. Obzirom da predmetni prijedlog Odluke predstavlja prelazno rješenje do uspostavljanja sistema homologacije, predstavnici Evropske komisije su također tražili da Bosna i Hercegovina navede rok do kada će isti biti uspostavljen.

Na trećem sastanku Privremenog Odbora po Privremenom sporazumu o stabilizaciji i pridruživanju koji je održan 28. i 29.06.2010. godine u Sarajevu, prezentovana je dinamika uvođenja sistema homologacije vozila, dijelova, uređaja i opreme, čijom bi se uspostavom stekli uslovi za stavljanje van snage trenutno važeće Odluke. Na sastanku su predstavnici Ministarstva komunikacija i transporta BiH naveli da se puna primjena sistema homologacije u BiH očekuje najkasnije do 04.12.2010. godine, shodno Ugovoru o obavljanju administrativnih poslova u oblasti homologacije vozila, dijelova, uređaja i opreme sklopljenog između ovog Ministarstva i Konzorcija, te da je do sada Konzorcij ispunjavao obaveze preuzete predmetnim ugovorom.

Imajući u vidu naprijed navedeno tj. da se uspostava sistema homologacije vozila, dijelova, uređaja i opreme očekuje do 04.12.2010. godine i obzirom da su predstavnici Evropske komisije prihvatili rokove i tražili da se ispoštuju, Ministarstvo vanjske trgovine i ekonomskih odnosa BiH će, u trenutku uspostave sistema homologacije, preduzeti sve potrebne aktivnosti da Odluka koja je trenutno na snazi bude stavljena van snage. Iz navedenih razloga smatramo da u ovom momentu nije svrsishodno donositi Odluku o uvozu putničkih automobila, teretnih vozila i upotrebljivanih pneumatskih vanjskih guma, kao privremeno rješenje.